

鐵琴銅劍樓藏書目錄

序

自目錄之學興而古今載籍存亡之數可得而參稽凡師儒學術衰盛之源亦有所考鏡蓋始於漢京向歆父子子政爲別錄於前子駿成七略於後起自黃虞及於當代條流派別靡有闕遺班氏藝文因斯而就曹魏繼之有中經簿遂分四部宋齊梁隋代有纂錄然皆祕閣所藏監令所掌就其存者以成簿籍惟梁處士阮孝緒博采王公之家凡有書記參校官簿更爲七錄由是人間始有私行之目錄隨經籍志所據爲存亡者皆七錄也唐之中祕惟開元中有羣書四部錄久而無傳宋有崇文總目亦多闕失轉

不能逮晁氏讀書志陳氏書錄解題詳明曲暢以啟來者
蓋古書之先始爲篇策繼以縹緗乃成卷軸書必手寫貴
重煩難後唐後周孟蜀始以九經鐫板有宋以來徧及羣
籍遂可家置一編風行四海雖有放失易於網羅萬卷不
足多千古如一日也宋人近古分行數墨猶仍舊式有明
之代傳刻日多凡改錯訛妄刪舊注讀者苦之遂寶宋本
近百餘年并元板而重之并影宋本而重之但校宋刻亦
有傳訛聊舉數事宋板周禮少宗伯注引鄭司農云四望
三王五帝九皇六十四民歲祀之其三王誤作三皇疏亦
同案此本春秋繁露三王謂當代之王及二王後同時各

行其正朔用其禮樂以通三統封五帝後爲小國以備五德之運九皇之後則爲附庸九皇以前無封國列於齊民故云六十四民皆在同時考之左氏亦多密合世逾遠而逾微賈公彥不得其說董生本公羊說案隋經籍志云晉羊穀梁但試讀文而不能通其義至隋公羊左氏俱立國學然公羊穀梁浸微今殆無師說案今謂唐時遂改注文疏又引史記云九皇氏沒六十四民興以六十四民在九皇之後史記並無此語出於虛造宋板則承唐人之疎謬而不欲輕改亦其慎也又宋板管子形勢篇抱蜀不言卷尾綴音云蜀音猶按猶字顯係獨字之誤則抱蜀爲抱獨卽老氏之抱一宋板尙存猶字之音遂可申明其義明人刻管

子則併猶音刪去不存又韓非子二柄篇易牙蒸其首子而進之證以墨子及漢書元后傳則首子爲是宋板韓非作子首爲非是又不能以宋本而改今本也再明代間有精刻如震澤王氏重刻史記寒山趙氏重刻玉臺新詠與宋板無毫髮異以少詹事錢先生之精審猶以趙刻之玉臺爲宋板又王光祿尙書後案據訛本白虎通引書無逸篇曰厥兆天子爵爲書無逸篇之佚文謂其家所藏宋本白虎通如是然今尙有宋板大字小字二本及元大德本但作書逸篇則光祿所藏正是明刻蓋有收藏之家自詫爲珍奇坊賈之技僞託以求售變幻百出難可勝窮惟在

明者能辨之也明季虞山錢氏絳雲樓藏書爲備錢遵王作讀書敏求記排次篇目就其宋本皆有識別然寥寥無幾同時邑中毛氏汲古閣刻經史諸書始以宋本對校已洗有明一代刻書之陋然毛氏未見宋刻十行本註疏故禮記註疏闕文未補分卷亦異近代則有吳門周君漪塘黃君蕘圃兩家收宋元本最富周君無所纂錄黃君重刊國語國策皆顧君澗蘋爲之手定澗蘋以絕人之資爲校讎之學其重刊之精妙有過於宋本者如鄱陽胡氏刻文選資治通鑑陽城張氏刻禮記鄭註陽湖孫氏刻說文解字唐律疏義全椒吳氏刻韓非子最後吳門汪氏刻單疏

本儀禮款識字體全摹宋本皆出澗叢手余歸田時澗叢
久謝世兩家之書亦既無存爲之太息今茲秋杪胡君心
耘自虞山回郡言虞山一邑好古好學之士不殊曩昔因
出鐵琴銅劍樓藏書目錄一編則邑之明經瞿君子雍之
所纂錄也鐵琴銅劍樓者則其先人學博君所構藏書之
室也蓋其所收藏皆宋元舊刻暨舊鈔之本至明而止則
從邑中及郡城故家展轉搜羅卷逾十萬擁書之多近未
有過之者也既列其目而每書之後必載其行款陳其同
異以見宋元本之至善教子孫以長守此其意甚切而其
志甚遠也明經君卽世令子鏡之潛之融之昆季更承先

志旁搜博采日累月積相與編摩已歷三世遠追古人近
比毛氏將益盛焉無不及也且世有籍貪婪之巨貲或逐
倍蓰之近利遂不久而易失聞瞿氏之所藏皆出於耕養
之餘成其學業之燾所由辛苦而致之斯能綵遠而有之
余故樂爲之序而又不能不竊竊然深望於其後賢也咸
豐七年蒼龍在丁巳十有二月十九日長洲八十一叟宋
翔鳳拜序

鐵琴銅劍樓藏書目錄

卷一

經部一

易類

卷二

經部二

書類

卷三

經部三

詩類

卷四

經部四

禮類

卷五

經部五

春秋類

孝經類

卷六

經部六

五經總義類

四書類

樂類

卷七

經部七

小學類

卷八

史部一

正史類

卷九

史部二

編年類

紀事本末類
別史類

雜史類

詔令奏議類

卷十

史部三

傳記類

史鈔類

載記類

卷十一

史部四

時令類

地理類

卷十二

史部五

職官類

政書類

目錄類

史評類

卷十三

子部一

儒家類

兵家類

卷十四

子部二

法家類

農家類

醫家類

卷十五

子部三

天文算法類

術數類

藝術類

卷十六

子部四

譜錄類

雜家類

卷十七

子部五

類書類

小說家類

卷十八

子部六

釋家類

道家類

卷十九

集部一

楚辭類

別集類

卷二十

集部二

別集類

卷二十一

集部三

別集類

卷二十二

集部四

別集類

卷二十三

集部五

總集類

卷二十四

集部六

詩文評類

詞曲類

鐵琴銅劍樓藏書目錄卷第一

常熟瞿 鏞子雍

經部一

易類

周易十卷

宋刊本

經九卷略例一卷通爲十卷與晁氏郡齋讀書志合
分卷與陸氏釋文開成石經相臺岳氏本合九卷中
分序卦第十雜卦第十一爲子卷亦竝合卷一首行
題上經乾傳第一下夾注釋文周代名也云云至次
行止三行題王弼注四行題唐國子博士兼太子中

允贈齊州刺史吳縣開國男陸德明釋文附卷二以下無唐國子至釋文附二行繫辭以下題韓康伯注每半葉十二行行廿一廿二字不等注用雙行行廿八字宋諱殷匡筐恆貞徵懲構媾邁慎等字皆闕筆而敦字不闕蓋孝宗時刻本也其經文之異於通行本者如此初六終來有它吉象傳有它吉也皆不作他大有象傳明辯晷也不作辨晷坎九五祇既平不作祇困六三及繫辭據于蒺藜皆不作藜繫辭兼三材而兩之三材之道也皆不作才序卦傷於外者必反於家不作其家決必有遇不作有所遇物不可以

終動動必止之不作終動止之俱與相臺岳氏本同
惟乾文言可與幾也與下有言字復初九无祇悔不
作祇中孚九二及繫辭吾與爾縻之皆不作靡繫辭
下力少而任重不作力小雜卦蠱則飾也不作飭遯
遇也不作姤遇與岳本異至注文之異尤不勝數今
略舉之若遯上九下緇繳不能及不作緇繳大壯上
六下持疑猶與不作猶豫巽彖下巽弟以行不作巽
梯皆與釋文合說卦和順於道德而理於義下有注
十三字云易所以和天道明地德理行義也雜卦小
人道憂也下有注十八字云君子以決小人長其道

小人見決去爲深憂也此二條各本竝脫惟日本山井鼎考文盧抱經學士羣書拾補載之而已略例亦附釋文首題周易略例側注并敘二字下題唐四門助教邢璣注序中孔仲尼之論增輝於大陽均與岳本異序後題周易略例卷第十下雙行注云略例者舉釋綱目之名統明大理之稱略不具也例舉竝也然以先儒注易二十餘家雖小有異同而迭相祖述推比王氏所見特殊故作略例二篇以辯諸家之惑錯綜文理具錄之也此注惟官本有之而文又小異故詳著之是卷凡無字除引經无妄等皆不作无與

唐石經合視岳本更爲近古經惟易爲完書流俗傳
刊日失其舊是正文字賴有宋槧而是本足資訂補
尤非他宋槧可及故以弁冕羣籍焉卷末有明人題
記數則一曰萬曆庚辰三月二日文嘉閣一曰天啟
七年丁卯歲三月六日董其昌觀於頑仙廬一曰崇
禎壬申午日黃子羽攜過青瑤嶼與張異度同觀去
先叔祖文水翁題識時已五十二年矣震孟一曰崇
禎甲戌陽月過趺影齋焚香觀陸孟鳧曹孟林葛君
常在座文從簡後又有秦文恭公跋

前後有玉蘭堂
圖書記元宰文

震孟印叔介伯符闕氏收藏圖書約齋子晉汲古閣
主人海虞毛晉子晉圖書記乾學徐健庵諸朱記

周易注疏十三卷

宋刊本

首題周易注疏卷一次題國子祭酒上護軍曲阜縣
開國子臣孔穎達奉勅撰餘卷並同此式不題王弼
注繫辭亦不題韓康伯注其分卷則乾一坤二師三
大有四復五咸六損七鼎八旅九繫辭上十繫辭上
第六章十一繫辭下十二說卦十三蓋猶是孔氏舊
第與直齋書錄解題合序稱十四卷者殆併略例計
之也經文與前單注本多同惟可與幾也與下無言
字吾與爾靡之不作廢物不可以終動止之無動必
二字三處爲異餘詳陳仲魚經籍跋文正義之例先

釋經後釋注釋經不標起止總繫一節之後釋注則
標注起止總繫釋經之後自後刻本以總釋者隨注
分繫遂多舛錯如乾文言釋六爻發揮之義反列上
段乾元節下其餘移易前後改削字句文義致多不
貫此則初無割裂經注與正義原本尙可推尋其舊
繫辭以下亦總繫每章後不分列各段注末與前一
例攷十三卷本此外惟錢求赤鈔宋本求赤邑人山名孫保
井鼎考文所引宋本而已錢本悉與此同蓋卽此所
自出但轉寫不無譌脫案錢校蓋據明監本故失校處每同監本所影亦未是宋
式載羣書拾補可證也考文本上下經皆同而繫辭正義則散

在各節注下漸改舊觀惟不似十行本以釋一章大義者分列每章之首猶爲差勝是此實爲注疏合刻最初本也此本之異於他本而足正其譌者已備載考文而盧氏羣書拾補阮氏校勘記又引之其同者無煩複述其不同者如蒙初六疏小爾雅云不作小雅云上家藏本下考文本餘竝放此大有初九注衛斯以往以不作之蠱彖傳疏往當有事往不作位臨六三注居剛正之世世不作前賁六五注賁于邱園帛乃戔戔園不作束又乃得終吉下有也字困六三疏難得配偶不同注作耦與九四疏惜其配偶一例鼎彖傳疏特牲

而已牲不作牡又上九注高不誠亢誠不作誠漸九五象疏標注進以正邦三年有成年不作歲成下無者字與錢本同既濟象傳注以既濟爲象者象不作家繫辭上鼓萬物而不與聖人同憂注故順通天下順不作顯盛德大業至矣哉注聖人功用之母母不作無凡此數條皆足資參攷因悉著之餘如咸卦九三有疏一段凡百字亦竝不脫讀注疏者當以此爲祖本矣每半葉八行行十九字皆頂格經下夾行注皆有注云二字疏上則作陰文大疏字疏仍夾行行亦十九字遇敬殷匡恒貞桓構字皆闕筆而慎字不

闕陳仲魚謂卽九經沿革例中所稱紹興初監本也
每葉楮背有習說書院長方印知出宋時印本惜首
卷失去仲魚於周漪塘家借錢本補全首有進五經
正義表亦各本所無盧抱經據以載入羣書拾補中
惟後無略例釋文今以明翻八行本補之卷末有仲
魚題識已刻入經籍跋文茲不復錄

卷中有陳鱣所藏朱記

周易兼義九卷略例一卷音義一卷

宋刊本

首行題周易兼義上經乾傳第一次行題國子祭酒
上護軍曲阜縣開國子臣孔穎達奉勅撰正義三行
題王弼注繫辭以下題韓康伯注略例次行題王弼

音義首行題經典釋文越數格題周易音義次行題唐國子博士兼太子中允贈徐州刺史吳縣開國男陸德明撰分卷則改孔氏十三卷本以從王韓注本而又改泰傳第二爲需噬嗑傳第三爲隨而注本正義本舊式自此皆失矣每卦經文連注疏行行頂格其爻辭及彖象文言等竝不提行注皆夾行不作中等字每半葉十行行大字十八小字廿四葉心間有正德六年及十二年字則修版也故亦名正德本阮氏謂十行本無略例蓋其所藏適闕遂誤認爲無耳曰兼義者阮氏謂兼并正義而刻之以別於單注本

陳仲魚氏謂他經音義附每節注後獨周易總附卷末故題爲兼義而不稱附音似阮說爲長案阮氏校勘記南昌府學重刊宋本皆據是書方盛行於世顧以是本核之頗多不同其不同者是本往往與家藏宋單注本宋八行注疏本及校勘記所引岳本錢本宋本合阮本多誤同閩監毛本均是十行本何以違異若此蓋阮本多修版其誤皆由明人臆改是本修版較少多可藉以是正舊嘗爲校校勘記竝摘略例之異於岳本者以存十行本之真補阮本之闕釋文則兼及盧氏考證竝附於後

易序

第八論

以為伏羲重卦

重不誤盡○正文所出據家藏十行本注中所

出據校勘記及重刊本下並放此

乾

九五非飛如何如不作而

上九天而極盛天不

大象

乾是用名

是不象傳

反覆皆道也

鈔錢本重

刊本

又退則潛處在淵

則不誤在

三節注解怠則曠

解不

又注處事之極至解怠則曠

重刊本同

九四

猶依羣眾而行

依不誤非

上九聖人設誠作戒

乾元者

初末雖无正位

末不君子上文即云不

誤

坤

六五象

故云文在中

在下不

文言第動之方

正

正不誤直

第三節疏

故曰即不疑其所行

即字不脫

第七節疏

然

猶未能離其陰類

陰不誤陽

屯

彖傳

二盈也

二不誤一

又其例不一

例不誤義

六二疏

則得共五為婚媾矣

共不誤其

六三疏

故不得為幾微之

幾

下幾字不誤義

蒙

彖傳

一理而則告之

則不誤作

彖傳

无剛決中

決不誤失

大象疏

君子當法此蒙道

法不誤發

九二疏

羣蒙悉來歸

已

羣不誤童

又在內理中

在不誤任

又正義曰

正義不誤王氏

又以

己之剛陽

剛不誤兩

六五象疏

而事委任於二

事不誤專

又是

貌異也

異不誤作順

訟

象傳

已自不可

自不可作且

初六

必辯明也

也

九二

不易之田歲種之一易之田休一歲乃種再易

之地休二歲乃種

重刊本同原按云閩監毛本地改田指下句言本無誤覆按云毛本

上文不易之地再易之地皆改作田不知自宋本至

監本上二句從未有作地者何乃云毛本改之邪又

案八行宋本地字本缺十行本增補地字閩監毛本

似未可據周禮

比

象傳

比是寧樂之時

比不

六三

貞不

九二

以其顯比親者

誤此

注

二為五貞

誤應

小畜

象傳

不被擁抑

擁不

作

禮道大成

禮皆

履

履

上九

是其不墜於礼

又

禮道大成

礼禮皆

履

泰

象傳

止由天地氣交

作止不

初九

往行而得吉

往不

六五

止由中順行其志願

作止不

否

大象

以居行位

不誤倖

九五

恆念其亡其亡

恆誤但

同人

象傳

之主別云同人曰者

之誤為

大象天體

於上

於不

謙

象凡

易經之體

凡不

象傳

故云君子之終也

不脫也字

六二鳴謙得中吉也

中不誤終

豫

象傳

故歎之以示情

故不

六二

相守正得吉

也

正不誤善

重刊本同

隨

大象晦冥也冥不誤

蠱

象又於此宣令之後三日於不誤

賁

象傳故小利有攸往往不誤注解天之文又解

人之文

二解皆不誤規六五則不廢費財物則不廢不誤

无妄

六二皆是不為其初初不誤疏六三六三陰居

陽位

三不誤

大過

九二心无特吝特不誤九四下必不撓弱弱不誤

若

九五不能得女妻得不誤

坎

象二者人之行險二不誤又内心剛正內不誤

象傳

險陷之極極不誤疏險難有時而用難不誤象

注重險縣絕縣不

咸初六則譬於拇指於不

大壯象傳故正大即天地之情即不注大象而順

禮也禮體不

晉大象之少反少不九四能游不能渡谷渡不

明夷六四雖時辟難雖不

睽象傳其志即通也即不上九故為舉筵與楹

筵不作同重刊本同

解象利施於眾也亦不困於東北也亦不

損象傳言何用豐為也用不九二進之乎柔乎

於作疏六四无復企子之疾无不象疏六五吉无不利義

同也誤無不

益象傳損上益下不誤損初九疏得其時而非其

處非无注九五故不待問而元吉故不

夫注必見侵食誤傷

萃象全夫聚道作夫不

升九三往必得也作邑六五保其尊貴而踐阼

矣其不疏上六冥猶昧也昧不

困初六机木謂之株也机木不六三焉得配耦

作耦偶

井

象疏此明井體有常明不

革

象傳凡不合而後乃變生而不

疏次明人革

也

此次不誤以下文又云以明人革也

又人亦叛亡

亡不誤主

鼎

象傳故舉其重大不誤質

注獲大亨也不衍

而字

震

六二注威駭怠解作解不

疏是傲尊陵貴作傲不

六五象疏

當其有事誤有其

艮

象傳謂此卦既止而不交爻又峙而不應交爻

加交

漸

象傳

以明得位之言惟是九五也

之不誤言惟不作唯

初六

若鴻之進於河之干

於不

六四

巽而下附

下附不

九五

三歲有成則三四不敢塞其路

歲不

歸妹

象

少陰而承長陽

承不

疏

妹從姊嫁

姊不

又

妄進求寵

妄不

初九

雖幼而不妄行

妄不

六五

然長不如少也

然不

豐

象傳

二者由人之闡宏使大

二不

九四日中

盛明而反見斗

明而反不

旅

象傳

足以小亨

足不

巽

象傳

處于中正

于不

渙

疏上九

去而遠出者也

作遠不

節

彖傳

則物不能堪也

物下無墨丁亦無所字

中孚

彖

顯著可知

著不誤者

初九

故更有他來

來不誤求

小過

彖

過於小事

於不誤之

又

為過矯之行

矯不誤厚

六二

履得中位

位不正

注九三

至今小者咸過

咸不誤或

六五

足及密雲

足及不誤是乃

既濟

彖傳

以既濟為家者

家不安

未濟

大象

使皆得求其所

求不誤安

注九二

用健施難

循難在正

施不誤拯

疏

循難在正

循亦不誤靖

繫辭上

疏

取綱係之義

綱不誤剛下各有綱係同

第一章

卑高節疏

則貴賤非唯天地

賤字不脫

方以同方節疏

者則同聚也

上同字不誤固

第二章

剛柔節疏

若細別之

若不誤是

第四章

一陰節疏

一陰至謂道

至不誤是

又有二有三三

不又脫

雖无於陰

雖不誤班

百姓節疏恒日日賴用此道以

得生

以不作為

第八章

末節疏

謂應報對答

報對不作對報

第十二章

末節疏

聞與理會

又

則得默而成就之

又

據賢人之德行也

聞字成就字德字並不缺

繫辭下

第二章

日中節疏葛天氏

葛不誤萬

神農節疏

乃至黃帝堯舜

又今黃帝堯舜之等

黃並不誤皇

第三章

利用節注

皆安其身而後動也

皆不誤出

第四章

經節注

力少而任重

少不誤小

不遠節注

得二者

二不誤一

第五章

末節疏

欲令取吉而避凶

取不誤作

第六章

經節注

困德之辯也

辯不誤作

益以節疏

物亦盈已

盈不誤

益作

第九章

人謀節注

不勞探射

射不誤討疏同

情偽節疏

情謂實情

實情不作實重刊本同

說卦

第一節注

著受命如響

響不誤作

疏

明是伏犧非文

王等

明不誤言

震為節疏

白頌為的頤

頤不誤作額

序卦

此者節注

比非大通之道

比不誤此

與人皆以為人節疏

君喜樂歡豫

歡不作游

有天節注

而不係之於離也

離不誤雜

周易略例

無卷數前不載序次行但題王弼二字不題唐邢璣注○案阮本失去略例校勘記

所據乃是岳本者悉著之其同者不復出凡異於岳本者悉著之其同者不復出

明彖

注

故假設問端故曰何

下故不作而

注

明辯卦

體所由之主

明下無辯也二字體下無功用二字

注

眾不能理眾

不理

作治下同

注

真正之一者也

真正下有正字

注

動是眾由一

制也

眾字不重

眾皆所以得其存者必歸於一也

不作

眾得皆存其存有必歸於一故無心於存皆得其存也

注

天下之眾皆无妄

眾字

注

統之以宗主

注

作有不

統而推尋

注

一者道也

注

天地大運

注

作大不

思過其半矣

注

矣

注

多之所主

注

至二無為

王弼云

注

作云不

曰

注

王下無

棄此中之一爻

注

此下有中

君能

養人

注

其孰能與於此

注

其誰能與於

此

注

其上不無神武之君

注

四其字誰不作孰

明爻通變

注

人之多僻

注

作僻不

故曰屈身

注

注

不能定其筭數

注

其筭不

詐偽長短也

注

注

不必限高下

注

限不作均下不

注

不必齊形質

下無

注

此明无識感无識

注

作有

不煩彊武

注

作注强

苟知外散之趣

外不逃

注

男女睽而其志通

也通不

注

若中孚九二

孚下無

注

雖遠利追不

作而相

語成而後有格

成下無

鼓舞而天下從

下無

注

而無過差

無不

注

而无體可窮

道者虛也

虛下無

明卦適體通爻

注

一時有豐亨之用

用不吉

注拔

茅彙征

下無

注

否初六

否下無

注

爻變示唯也

示唯不

注

則觀知動靜

下無

注

陽乘陰則逆不

承作

終始之象也

終始不

注

上為終也

此有

而動者有其應

下無

注

泰初九

泰上無則字

物

競而獨安靜者

安下無於字

注在中應而動

中不作乎應下無有

應二字

注

爻之安危在中位

中不作乎

注

若安節亨之

例也

此有也

注

晉之九四晉如鼫鼠貞厲之事是也

上無若字事不作類下有也字

注陽承於陰

不作陰乘於陽

注不能遂

无攸利是也

利下無之例二字

注勿憂宜日中

下無是也二字

注誅滅君主

誅不

注婦子嘻嘻終吝

下無是也二字

明象

注

象意者也

上缺二字意者不作之意

注

象以表意言

以下

缺二字

言主於象

主不作生下象主於意同

注

尋乾以觀其

意也

此有也

注

言存非象

存不作則下象存非意同

注

失之甚

也

此有也字下空守筌蹄也空說龍馬也竝同

辯位

注

同其意也

同不

貴而无

陰居之也

陽誤

雖不當

陽居之也

陰誤

注

應之以事

作序不

之所處

陽誤

終始无陰陽之恒主也

恒不

略例下

由於貞也

由上無

離卦云利貞也

亨

也

志各有所

既濟六二與初三相近而不相得是

志各有所存也

此注與岳本全異岳本云此之六三

與此者皆非已親是有所存者也○案既濟六二注

居初三之間而近不相得上不承三下不比初與此

注正合似十則近而不

比之六三无應於上二四

皆非已親是无應則近而不相得之例

此亦與岳本

隨之六二係丈夫九四隨有獲是无應而相得之例

也○案比六三注四自外比二為五貞近不相得遠

則無應與此注正合岳本與正文相背其誤則雖明矣盧抱經學士以正文不字為衍文非也遠而

相得同人六二志在乎五是有應則雖遠而相得之

例此亦與岳本全異岳本云既濟六二有應於五與初三相近情不相得之例○案岳本亦與正文違

異抱經乃改為則雖近而不相得以就之豈其然乎注志竟懷疑意誤

凡彖者統論一卦之體者也提注象各明一爻之

義也此有注應則任矣斯誤注其邑人三百戶

无咎也下無字

凡彖者通論一卦之體者也提大有之類是也上

畫卦下豐卦之類是也同

凡言无咎者提注若防其失道失其言无咎者

吉誤

卦略

此下十一卦竝缺以八行本鈔補

屯

無所馮也

無不作无下竝同

故不得民也

大誤

蒙

則困家吝

家誤

履

注復道惡盈

履誤

大過

故九四有應

此有故字

睽

治乃疑亡也

治誤

豐

宣陽發暢者

陽誤

釋文

案按勘記所據係通志堂本此所出正文皆十行本

乾

无悶

門遜反○朱本同此宋本係家藏單注易所附釋文非盧氏攷證及按勘記所引宋

本也後並同又凡按勘記所引各本茲不復出○遼
明監本作遜改證稱神廟本茲從按勘記改稱監本
後並同案遜遜皆在廣韻二十六恩雖亦無誤然已
失宋以來相傳之舊盧氏攷證謂監本勝通志堂本
多從刊改殊誤後學茲特隨文辨之按勘記稱虛刻
多半出宋本亦非也虛刻出於通志堂本故猶多與
朱本合而其所以辨徐便免反○宋本作扶免反
則瑜不掩瑕矣以辯案扶免是舊切廣韻猶作符
楚錢氏十駕齋養新錄所謂古人無輕屑音而等韻
家謂之類隔法者也作便免者乃是後人改類隔為
音和亦猶集韻改符塞為平免當非陸
氏舊文阮校反以扶字為非失之矣
坤利牝又扶死反○宋本同案廣韻五旨牝扶履
谷神不死是謂元牝作並履切皆即徐氏又音也老子
謂監本作扶允反為譌良是但以流俗所呼為證殊
不足閉字林方結反○宋本同阮校引宋本方作力
據然已失字林之舊字林書最古而久佚其幸存於他
書所引者輒為後人所改虛刻從之阮校復是之不

亦重可購此古后反○宋本同攷證云下俱音古豆反	歎邪本非一音止作一切紙如坤卦否字作皮鄰反	釋文否字又作備鄰反此則同母通用何嘗拘於一	屯卦又攷六經正誤云媾古后反媾字無上聲當作	例邪反然廣韻集韻五十候皆有后字何得云古后	古近反切攷證	爲上聲作切攷證	蓋仍毛氏之誤也	蒙枯爾雅與釋文合十行本蒙卦疏則作小雅阮	校於彼云小爾雅唐人多作小雅文選注亦然此則	以岡監本作廣雅爲是案廣雅卷七釋室日杼謂之	枯械謂之桎蓋據此也攷證謂小爾雅	及廣雅今皆無此攷之未審矣	比徐又甫履反○宋本同攷證云舊本甫作補毛居	改正每以徐音中甫當作補或作浦後人卽依毛說	改之甚非是今於似此者悉復其舊案盧說是也甫	田卽圃川古音讀甫爲圃所謂古無輕唇音也卽欲	更爲音和亦當如廣韻之例皆附卷末而不徑改正	文若憑臆竄改使人不知陸氏原文盧氏所謂甚
-----------------------	----------------------	----------------------	----------------------	----------------------	--------	---------	---------	---------------------	----------------------	----------------------	-----------------	--------------	----------------------	----------------------	----------------------	----------------------	----------------------	---------------------

非是者也阮校仍以作甫為非而從監本抑又甚矣

小畜車說云雅兩堂本云作文蓋皆臆改今說文

作說釋也

履坦坦吐但反○宋本同案但在廣韻二十三早

為去

謙名者聲名聞之謂也○宋本同廣證云陸氏所

居正欲改作鳴者是不知陸孔兩家之本有不

同也阮校乃以監本改鳴為是似盧說為長

噬嗑其分符扶問反○宋本同通志堂本符作扶案

作符問本非有異阮校謂作肺○宋本同案含蓋全

符不誤未知何所分別也

行之譌阮校云十

行本含作食誤

復無祇九家本作多字音支○宋本同阮校謂宋

本作祇蓋其所見是修版此本不行本作祇矣重刊本

韻支字紐中多發茲收云多或從支

是祇多發一也阮校謂多字誤亦非

頤朵京作瑞○宋本作瑞瑞蓋端之譌即毛氏居

云動也易觀我端頤京方讀類篇同今說文土部無

端蓋篇韻據俗本釋文誤收之耳案字當作端亦作

端說文端从木尚聲與朵並从木且同音通志堂雅

雨堂兩本皆作端正與說文合又手部端从手尚聲

集韻朵字紐中收端則宋本作端亦與說文合

也小徐疑端聲與端不近益泥於今讀初委切耳

凡从木从手之字篆已有兩體錄尤多混宋虎視徐

本作端實與端同攷證以端為譌不盡然也志虎視市

志反又常止反○宋本同案二切並列乃在志止去

上之別市常皆禪三等非有異也盧本從監本改常

為市雖尚無誤然不免

紹輕改古書之弊矣

習坎

習

徒坎反

王肅又作

陵厥反

○宋本同

案集

坎底也

正與此合

盧本乃改

王音為徒

感反夫徒

感曰

與徒坎止

是一音

陸氏何為

更出王音

邪重刊本

盧

氏補按又

以盧本與

十行本同

宋祇京作

禮說文同

本陵作徒

誤讀攷證

岐又有岐

矣祇音支

又上支反

○宋本同

案監本上

作止謬甚

說文禮市

支又上支

反

即上支市

上皆禪三

等字也禮

有二音故

廣韻集韻

皆分收支

是兩紐中

若作止支

則既音支

矣何用上

更

出此音此

本為禮作

音非以音

祇監本蓋

疑祇無上

支反音遂

爾妄改阮

按反是之

抑更誤矣

離涕徐他

木反又音

弟○宋本

木作米是

也攷證

當作又音

體案此條

不知何

以外誤

至此毛

欲改替

是改讀去

聲也他米

反是上聲

何云無異

且他米

反

已育體何

又欲改音

弟為音體

邪集韻上

聲十一

薺

涕土禮切

又待禮切

與此正合

蓋古有此

兩音也

又

去聲十二

薺涕他計

切禮記檀

弓釋文亦

有此音此

則毛氏所

欲改者蓋

毛氏以人

多讀體替

二音罕讀

為弟遂欲廢之其說甚陋攷證

辨之不明疑其或有駁文也

晉 三 阮校云慙反○宋本慙作暫攷證云慙疑是暫

昔如字讀而徐獨音去聲耳若徐

獨如字何以不先出息暫反也

睽 掣 鄭作掣字兄玉篇下云牛角皆踊曰掣从牛則此

从手者是也各本作掣疑非

損 用 享 ○宋本同毛氏六經正誤云用享作享誤

通用監本作用享蓋從毛說誤攷案古享享通用誠

是但享享既分享音香兩反者有之享必不音許庚

反此損益兩卦用享蜀才王虞並音許庚反則

釋文原本作享可知毛氏此說恐未可厚非也

益 之 處 昌預反○宋本預作豫同豫預古今字也

必預非而慮是廣韻集韻則作昌據切豈用享○宋

亦有焉邪不明切韻而徒執彼例此疏矣

用享本同

致證云舊本作用享今從宋本監本作享案損卦用享以監本從毛說改享為誤此又從之何不盾若此

姤 柅 說文作柅云絡絲跌也○宋本同盧本作跌誤案說文繫傳云臣錯案字書絡絲

困 數 歲 色柱反○宋本同攷證云舊本色柱反誤書內皆作色主毛居正亦謂當作主今改

正案主柱同韻通用毛說太泥盧從而改之非也下繫以體天地之撰注撰數也亦首色柱反何嘗書內

皆作色主耶

井 登 馬云為瓦裏下達上也○宋本同案言以瓦為裏也與六經正誤合盧本作裏以毛說為

無據失之矣

震 視 徐市至反○宋本同攷證改至為志案集韻視在六至市至是正切不必定從願卦音也

豐 部 鄭薛作菩○阮校云十行本菩作常誤案此本不作常阮蓋涉沛下鄭干作常而誤

未濟

循難

○攷證云毛本循作靖各本皆同釋文

本相臺岳氏原本無不作循目其羣書拾補中亦嘗

引考文及錢本竝作循矣惟修版十行本始誤為靖

而閩監毛本皆從之何乃云各本竝作靖也釋文又

解之云循猶履也靖之不得訓履其理尤明若謂正

以異於他本故特解其義

則又何不云一本作循邪

周易繫字從穀若直作穀下系者音口奚反非○宋

同穀下从系為胡詣反穀下从系為口奚反然說文

系部無繫字阮校云古用穀為系大字當云周易穀

小字字從穀當云本作穀然穀非繫本字陸氏亦止

據王韓本不用古文兩家之說疑盡未安案集韻類

篇繫音有四而義有二繫辭之繫胡計切即此胡詣

反又吉棄切義同繫綴之繫吉詣切或作穀又牽奚

切即此口奚反亦訓繫綴是穀為繫綴之繫之或體

不作繫辭之繫分別甚明據此知釋文下系二字當

在從穀下而誤在作穀下宜正之曰字從穀下系若

直作穀者音口奚反非直猶但也意當時必有省作

駁者故陸氏辨之也然攷說文駁相擊中如車相擊故从爻从𠂔與繫本不相涉非但不可為繫辭之繫并不可為繫纆之繫若正言之當云若直作駁者音古歷反陸氏蓋從俗音曉之耳

繫辭上 成象 蜀本作盛象○蜀本蜀才之譌此修

本則此所修或于和明臥反○此亦修版胡謫明虛

誤

繫辭下 數也 色柱反○宋本同盧本改柱為主非

不知柱亦同韻可通用且宋槧从手从木每多互用

宋本作柱蓋卽柱也盧氏拘於前後例欲盡改釋文

之舊未免近於妄作矣

說卦 爲釜 口甫反○甫上一字缺阮校乃云十行本房

作扶是也誤又案房扶皆奉三 喙 徐丁遷反○宋本

等字何必改房爲扶乃爲是邪 喙 同案集韻五十候

隊丁候切與徐音合攷證謂徐本必作隊故有此音不知隊從彖得聲正與丁遘反音相近也

序卦之稱○宋本同攷證云雅雨本作群後與字

卻從屏疑誤案說文尸部有屏屏从之牛部有屏屏从之混群於屏自是雅雨本之失乃信雅雨本而疑

說文不亦慎乎

卦略所贖常贖反○宋本同錢本監本常作市攷

母其說較長顧改市雖亦無害而舊本日益失真矣

監本仍修版十行本閩本之謬加以臆改去宋益遠

盧阮兩家多從之是其一失錢本信出致佳宋本其

有譌同監本者或由失校或由轉寫漏落亦難盡信也

橫渠易說二卷明刊本

宋張子撰明劉椿程爵同校刊呂柟序案文獻通考

宋志俱承晁氏讀書志作十卷書錄解題則作三卷與世行本合是本止二卷但解六十四卦無繫辭楊

氏時喬周易古今文謂實未全之書然攷讀書志

據袁

州本載胡先生易傳十卷書錄解題載伊川易解六卷

並不解繫辭蓋皆因王氏弼之舊張子此書專明義

理與胡傳程傳正同故其體例亦同歟其後胡傳增

繫辭說卦二卷

書錄解題宋志作三卷

董氏真卿謂胡氏授其

弟子記之者程傳則以東萊呂氏所輯精義補之於是二傳皆有全解此書之有三卷本疑亦此例但不知輯自誰手要之此二卷殆是原本呂序所稱當爲

先生之書無疑者也

伊川程先生周易經傳十卷

明刊本

宋程子撰案二程全書中伊川易傳止四卷東都事略書錄解題竝稱六卷蓋皆未有繫辭解之本郡齋讀書志則作十卷與宋史藝文志同然宋志稱傳九卷繫辭解一卷晁氏斷不及見繫辭解其所稱十卷者蓋別是一本此本則傳八卷繫辭解二卷卷數雖同宋志然又非舊第矣繫辭解不知輯自何人此本首章後有云程子无繫辭說卦序卦雜卦全解東萊呂祖謙精義載程子解并及遺書今並編入續六十

四卦之後題之曰後傳庶程子有全易云此數語元
刊程朱傳義已有之然攷天台董氏傳義附錄鄱陽
董氏周易會通皆采文集語錄以補其闕而不及精
義亦不稱後傳元刊本不知精義是僞託疑出坊間
所爲此本雖載其語而采輯較爲訛備如首章後有
云聖人用意深處全在繫辭又云繫辭本欲明易又
云繫辭之文後人決學不得此三條元刊本皆無之
其他互異尤難枚舉則非出自元刊本矣易傳本無
音切惟復卦爲祇字作音見於傳中此本音切蓋從
鄱陽本摘錄鄱陽本經下悉附東萊音訓其有未備

則補諸傳末如乾卦時舍也傳末補舍去聲此本亦
載此音是其證也攷東萊文集有書校本伊川先生
易傳後云某舊所藏本出尹和靖先生家標注皆和
靖親筆近復得新安朱元晦所訂讎校精甚遂合尹
氏朱氏書手自參定刊諸學宮惜世無傳本今所見
者明有吳勉學所刊其分節分章皆從朱子本義體
例已不合至移上繫天一地二節於天數五之前猶
出程子意并移二節於大衍之數之前則程子初無
是說尤爲乖舛且需卦彖辭下傳文脫五十二字彖
傳則經傳全脫核以此本固遠過之矣此本蓋明初

所刻每半葉七行行十五字字大行疏頗爲清朗卦
下接經經下接傳皆不提行其式猶爲近古前不載
序與吳本同後有上下篇義則吳本所無也

吳園先生周易解九卷

舊鈔本

宋張根撰焦氏經籍志作張轅誤其書卷第經文悉
仍王韓之舊不從安定胡氏改鴻漸于陸爲達亦不
從伊川程子移天一地二節於天數五之前乃每卦
六畫上竝增某卦二字如乾上云乾卦坤上云坤卦
六十四卦皆然則諸家所未有者也說卦傳自乾健
也下僅存兌爲澤節下解一條餘竝脫落後附序論

五篇雜說一篇泰論一篇而序論首闕二葉末有其
孫垓跋亦不全殆卽從澹生堂本傳錄者

卷首有陳
鱣所藏朱

讀易詳說十卷

鈔本

宋李光撰無序案莊簡自號讀易老人故書錄解題
稱讀易老人詳說經義考詳說作解說宋志作易傳
諸家俱作讀易詳說與解題合特省文耳其書但解
上下經不解繫辭以下併不解文言攷不解繫辭以
下始於王輔嗣北宋大儒如安定胡氏橫渠張子伊
川程子皆用其例然未有不解文言者也莊簡則爲

例獨殊觀其解乾坤象象卽引文言以爲說殆以大義已具故不復作文言專解亦未必有佚脫也

周易經傳集解三十六卷

舊鈔本

宋林栗撰前有自序題朝議大夫直寶文閣權發遣潭州軍州主管荆湖南路安撫司公事臣林栗上進又淳熙十二年進表及貼黃三通獎諭敕書其書合兩卦爲一卷經傳凡三十二卷繫辭上下二卷文言說卦序卦雜卦本文合一卷圖說一卷都爲三十六卷每卦必兼互體約象覆卦析序卦置卦首又析雜卦置大象後其說謂天子所作十翼先儒旣取其釋

彖大小象文言分繫於經學者便於尋繹自漢以來
未之有改而獨繫辭說卦序卦雜卦至今爲完篇夫
說卦止於八卦而繫辭領略綱紀固不可得而分繫
之矣若夫序卦者卦之所以相推而立也雜卦者卦
之所以相錯而成也相推故相因相錯故相交是六
十四卦之所從出也今將尋其流探其源而不知派
之所從出其可乎愚故仍彖象之例取序卦一篇自
屯而下釋於逐卦之首而雜卦之義辨於爻象之前
至於本篇自如其舊學者得以攷焉案卦首冠序始
於李氏集解程傳因之蓋從毛氏詩孔氏書之例至

離析雜卦前無所因而師卦改爲師憂也否泰反其
類臨觀之義或與或求等皆兩卦複出分配又難畫
一其尤異者乾坤二卦旣解文言復以文言本文置
說卦中合說卦前三章統題爲文言其說謂天地定
位下方是說卦之文自昔者聖人二段至易逆數也
當合文言爲一篇蓋先儒旣取文言分繫於乾坤而
其首末附入於此自六位而成章下又脫亂數往者
順以下十四字云云昔朱子著本義務求合於古經
簡肅則適與之相反所以覲面之初遂致齟齬歟

周易古占法一卷古周易章句外編一卷

舊鈔本

宋程迥編并序首卷題曰周易古占法上凡十二篇
曰太極曰兩儀曰四象曰八卦曰重卦曰變卦曰占
例曰占說曰揲蓍詳說又圖三曰一卦變六十四卦
圖曰天地生成數配律呂圖曰乾坤六爻新圖其雜
論易說及紀古今占驗題曰周易古占法下又卽於
是行下題古周易章句外編案陳氏書錄解題有周
易章句十卷外編一卷占法一卷古易考一卷則外
編附於章句與占法顯分二種此蓋由掇拾殘賸者
謫合之也天一閣范氏有刊本與此同

程朱二先生周易傳義十卷

元刊本

題伊川程子傳晦庵朱子本義前有本義卦圖後有
筮儀而無序跋不知何人輯錄案傳義合刻蓋始於
天台董氏董氏以程傳用王輔嗣本朱子則用呂東
萊所定古周易既不敢離析程傳又不敢盡失朱子
之意乃倣節齋蔡氏例經文平書十翼下一格傳義
又下一格附錄又下一格以爲識別此則一例平書
並無附錄之文而體例亦小異黃書合本義數節之
注以從程傳則標經文於上見本義之分節其程傳
分而本義合者則否此則並標其起止如坤彖程傳
分四節本義總注則標坤元亨利牝馬之貞止安貞

吉以明非專注西南得朋三句然此節本義皆舉經
文讀者猶明若需象傳程傳以需有孚至以正中
也爲一節利涉大川往有功也爲一節本義則合而注
之曰以卦體及兩象釋卦辭董書不標起止不幾疑
專注利涉大川二句乎至繫辭傳董書採程子一章
之說繫於一節下標曰某止某而本義則分繫各節
而不合又與前例相反此則繫從上下經之例似矯
董書之失而改之鄒陽董氏有云天台董楷據王本
分爲高下字行以別四聖二賢之易已不能盡行於
繫辭諸篇至近歲始出不旋踵有廢其書者其卽謂

是歟

楊氏易傳二十卷

明刊本

宋楊簡撰明劉日升陳道亨刊蔡國珍序案書錄解題讀書附志皆不著錄殆以朱子有楊敬仲文字可毀之言故不甚行於宋代惟焦氏經籍志載慈湖易說二十卷而朱氏經義考則作慈湖易解十卷均與此本不合蓋傳刻者互有竄易也其書但解上下經亦似從王輔嗣之例然謂大傳非聖人作惟子曰下乃聖人之言而无思也无爲也寂然不動感而遂通天下之故數語又爲其生平宗旨所在因作總論一

篇以明去取則與諸家不解繫辭者其意又殊焉

張先生校正楊寶學易傳二十卷

宋刊本

題廬陵楊萬里廷秀撰門人張敬之顯父校正前後皆有自序前序後次以誠齋易傳投進本末載劄兩通一下吉州錄進易傳指揮省劄後大書嘉定元年八月十八日一易傳進呈畢宣付史館下吉州照會指揮省劄後大書嘉定二年四月二十二日其爲寶宗時事確有歲月可稽自鄱陽董氏誤嘉定爲嘉熙而東里楊氏題易傳彙後遂稱理宗嘗詔給札其家錄進迨後刻本又刊去兩劄年月沿訛至今莫有正

之者矣書作於淳熙戊申成於嘉泰甲子歷十有七年之久初名外傳謂與程傳相表裏後乃去外字此本校自張顯父蓋最初之本每半葉十行行大字廿一小字廿六恆貞桓構慎敦等字皆缺筆繫辭力少而任重兼三材而兩之三材之道也序卦必反於家決必有遇雜卦蠱則節也皆同古本殆卽徐健庵尚書所稱宋槧之精者特非鄭希聖所藏耳明嘉靖間有二刻一刻開州一刻鄞縣而開州刻較前所謂療鶴亭本也然其誤已不可勝乙姑以序言之幽觀其變湛思其通二句誤爲於是幽觀其通故易者通變

之書也脫故字變在彼變變在此脫下變字於何求
中正脫中字經文悉改從俗本卽此而宋槧之精亦
略可見矣

卷首有明自軒眞齋圖書記汪士鋐印
文升民部尚書郎平陽汪氏藏書印諸朱

記

易裨傳二卷

舊鈔本

朱林至撰并自序其書主於發明大傳題曰裨傳者
蓋取史記鄒衍傳裨海之義謂大傳若大瀛海此如
小海之分列九州索隱注裨小海也宋史藝文志作
一卷書錄解題作二卷外篇一卷是本第二卷卽外
篇蓋合上卷爲一也此從至正十五年陳泰刊本傳

錄序後有識云

案經義考引作陳泰詔然陳泰刊置後此一年又題別行故不從朱氏

先生字德久宋淳熙釋褐魁官至祕書登晦庵先生之門松江府人事載郡乘是書乃庸田使康公出授士子今太守劉公命鈐嘉興郡學傳示學者云至正四年十月朔日識據此是祕書爲松江人而書錄解題稱爲橋李樵李是嘉興舊名或疑其異然攷中興館閣續錄云林至嘉興府華亭人蓋華亭在宋爲縣屬兩浙路嘉興府元陞縣爲華亭府尋改松江是宋稱樵李元稱松江皆舉其郡言之初非有異而館閣續錄則尤爲詳核焉

周易總義二十卷

舊鈔本

題長沙易祓學前有紹定戊子門人朝議大夫知信州軍州事兼管內勸農營田使仙居縣開國男陳章序紹定四年眉山李璫序其名總義者陳序謂總卦爻之義而爲之說也惟能識義理之總會然後卦爻之指歸可得而明今攷其書每卦之前皆列總論蓋其大旨所存故命名以是也又謂先生侍經筵嘗以是經進講燕居之暇復取是而研究之閱二十餘年優柔厭飫渙然冰釋於是略訓詁而明大義合諸家之異而歸之於一然其於經文異同頗多次證如坤

六一引禮記深衣及鄭厚存古說謂大字是衍文且謂六爻自履霜至玄黃皆叶音象文言皆无此字訟九二引周禮大司馬注管猶人管瘦也王霸記曰四面削其地噬嗑大象雷電噬嗑程傳但云象无倒置者疑此文互也朱子本義亦僅言雷電當作電雷而已此則著其所出曰石經作電雷噬嗑復初九无祗悔不從程朱音祗解抵而引荀九家及晁古易以爲古文多字言无多悔而已惟无多悔進德不已所以大善而吉也坎六四謂晁古易讀樽酒簋句貳川缶句與象傳不合當從王注蓋樽以盛酒簋以盛黍稷

取坎爲酒食之義此類甚多則訓詁亦未嘗盡略也
卷末皆題長沙邵夢祥校正經文多不同俗本益猶
從舊刻傳錄者

西谿易說十二卷

鈔本

宋李過撰其書但解上下經亦沿王氏之例王氏分
傳附經獨乾卦猶存費鄭舊式此則并移乾之彖傳
象傳悉同他卦又移文言之釋乾坤彖象者以類相
次故雙湖胡氏謂古易至此汨亂無餘縷也前有序
說謂諸儒所以紛紛不定者只緣不見三皇易與夏
商易耳乃以三墳及歸藏易列於周易經卦之上而

不知其爲毛漸僞作厚齋馮氏譏其爲誤良非已甚
然又謂其多所發明則亦有不可得而廢者矣攷鄱
陽董氏周易經傳沿革載此書謂有慶元戊午自序
而張氏雲章則云今鈔本已失去此本亦然

周易要義十卷

舊鈔本

宋魏了翁撰無序文靖謫靖州時嘗取諸經注疏據
事別類而錄之成九經要義二百六十三卷明張萱
重編內閣書目有周易尚書春秋儀禮禮記論語孟
子七種其二種已佚近時毛詩要義始出於錫山鄒
氏見藏上海郁氏周禮要義嚮藏郡中汪氏今爲邑

中張氏所得此周易一種爲崑山徐氏鈔藏本每葉板心有傳是樓三字案文靖著此書時所見正義猶是善本卽如第一卷彖辭統論一卦之體一條所采乾彖傳疏文若貴賤壽夭之屬是也卽接保合大和乃利貞者此二句釋利貞也云云是猶未分裂於各節之下者其字句足訂今本之譌每與家藏大字八行本易注疏相合不與十行本同

東谷鄭先生易翼傳二卷

元刊本

宋鄭汝諧撰并自序元刻存下經一卷補鈔上經一卷翼傳者謂孔子翼文王之經今翼程子之傳其推

崇程傳至矣然亦間參異同其同者注曰從程氏有
同中之異及迥異者概加翼傳曰三字大約於小象
爲多程傳本略於小象也其子如岡初刻於閩有跋
大德丁未曾孫陶孫復跋而刻於江右此卽陶孫重
刻本何義門校通志堂刻本謂汲古毛氏所藏甚精
卽此本也

卷末有汲古閣毛
子晉印二朱記

晦庵先生朱文公易說二十三卷

宋刊本

朱子適孫鑑編前有淳祐壬子題詞謂取諸門人記
錄問答之語與啟蒙本義交相發揮又云假守富川
時所曾粹建陽令趙君刊於縣齋鑑嘗爲之序今復

以付之書市使鋟梓以廣其傳是宋時有二刻此卽
淳祐本卷中有宋諱闕筆字每半葉十三行行廿一
字此書昔藏邑中張氏載愛曰精廬藏書續志卽云
卷一鈔補蓋其闕已久後從郡中汪氏轉入余家未
幾又從郡中物色得舊刻首冊其裝釘款式毛氏圖
章無不與全書脗合眞所謂在處有神物護持者邪

因喜而識之

卷中有汲古閣毛氏朱記

周易象義十二卷

宋刊本

題武陵丁易東象義凡分上下經爲二卷又每卷各
分子卷三傳十篇爲十卷自序謂依本義體然以文

言升繫辭之上則又從南康馮氏本也

見上經首總釋卽朱氏經

義考誤以前有自序二篇易統論三篇凡例十四條

爲自序者一篇宋本存下經第二之三

豐至未濟

自彖

傳以下十卷皆全餘則假諸太倉顧竹泉藏

文淵

閣傳錄本鈔補惟豫隨无妄三卦經注閣本亦闕案

閣本錄自永樂大典似出元刻與此本微異如否上

九象傳注下閣本增多吳氏曰否泰之機常相持也

亦常相禪也先天之卦泰以否對後天之卦泰以否

繼對則遠而繼則近也先天自乾八卦卦便至泰泰三

十二卦方至否泰易而否難也後天自乾十卦方至

泰泰一卦便至否泰難而否易也雖否而泰泰而否
有若循環然泰之中否否之中又有泰倚伏之機可
長也又愚謂否不終否否終自有傾之理今上九不
曰否傾而曰傾否則循之者又有人焉不可盡諉之
天也乘否之終傾者覆之則否无餘矣天下又豈有
長否之理哉先否否也先天下之憂而憂者也後喜
泰也後天下之樂而樂者也二條革九五象傳注二
本互異宋本作九五其文炳以虎文彪炳言之也閤
本作二五正應文明以說也九五剛君其非一本可
知又閤本所闕豫隨无妄大壯睽蹇中孚既濟未濟

彖傳注豫隨无妄大壯睽蹇中孚象傳注及繫辭上
傳彖也者言乎其未得也至各指其所之注此本皆
全用附於後俾覽者得以拾補焉每半葉九行行十
八字注下經文一格匡貞恒桓柳字有減筆下經一
冊舊爲愛日精廬藏本十翼十卷孫退谷藏本邑人
鮑芳谷覓得以貽

卷中有孫承澤印孫氏萬卷樓印二朱記

彖傳

此釋豫彖辭也剛應者九四之剛自初來又與初相
應也志行者陽之志行也順以動坤順而震動也豫
和豫也順以動不和豫乎惟其順動天地亦不能違

則建侯行師必利矣天地以順動以下廣豫義以天地之順動而形聖人之順動也日月不過四時不忒者天地之順動也刑罰清而民服者聖人之順動也前言建侯行師利在順動至此言不待刑罰而民自服極言順動之道大也豫之時義大矣哉贊豫順之道大也諸卦或言時或言時用或言時義言時者專以其時言也言時用者以其時與用言也言時義者兼時與義言之也○或曰互體有坎坎維心亨故以志行言陽爻爲天陰爻爲地天地以順動也互坎伏離日月不過也初爻動成震春也二爻動則互離夏也

三爻動則互兌秋也四爻本體則坎冬也天地順動
四時不忒也聖人則體坤順震動者也坎爲法律刑
罰也又爲水刑之清也坤爲衆爲順民服也○右豫
彖

此釋隨彖辭也隨自否來否之上九變爲初九以剛
而處柔之下是剛來下柔也卦變之義夫子於此卦
始明言之上乾變爲兌下坤變爲震震動而兌隨故
動而說也大亨貞釋元亨利貞也元亨利貞與乾同
夫子釋此以大亨貞則與釋乾異矣春秋穆姜釋此
以爲四德夫子但以大亨貞言之何也所以尊乾也

无咎謂若得大亨正者而隨之則无咎耳天下之隨
君子隨其德也君子之隨時變易以從道也隨時之
義大矣哉贊隨時之道大也○或曰元亨利貞四德
卽四時象隨元亨利貞卽隨時者也又下震上兌爲
春秋二五交則互離坎冬夏也亦時之象○右隨象
此釋无妄彖辭也剛自外來而爲主於內者謂九自
三而來初爲動之主也動而健震動而乾健也剛中
而應九五剛中而六二應之也大亨以正天之命也
天謂上乾其匪正有咎謂六二九四上九不正也五
若動亦匪正也不正而行行而不正皆妄也故不利

有攸往无妄天理也无妄之往何之矣止於天理又何往焉往則妄也妄則天理所不祐其可行乎○或曰以象言之五若動則六三九四成互坎坎爲眚有互艮則有止義故不宜往○右无妄象

此釋大壯彖辭也大者壯謂陽至於四畫而壯于陰也剛以動剛謂乾動謂震也貞者正也利貞謂大壯之時所利者以其正也但大壯以九四爲卦之主九四既不得位則非正也而乃言正焉不惟言正又因而推及正大見天地之情是此卦以正大取義矣然則其言正何也蓋卦以陽居陽爲正而六陽之卦自

乾之外復臨泰上卦皆坤而夬又上體爲兌獨此卦
下乾上震兩體皆陽亦猶以陽居陽之爲正也此一
說也又震居東方卯位之正當四陽之月卦爲大壯
而當震之初爻亦所居之正也又一說也此以卦爻
言也若以辟卦言四時中星未嘗得其位之正惟四
陽之月昏中之時蒼龍居東朱鳥居南白虎居西玄
武居北天之南北東西與地之南北東西各得其正
陽爲天惟天爲大天象正矣非大者之正乎天與地
合非天地之情乎此其所以言大者正言正大見天
地之情而非他卦比也正大之說先儒言者詳矣但

多言其理少於卦爻卦氣有情今推之如此學者詳之○或曰以卦爻言乾伏坤天地也二五交則有坎離坎心見於離目之中故曰見天地之情此虞翻說恐失之泥○右大壯象

此釋睽象辭也火炎上火動而上也水就下澤動而下也火自上澤自下上下睽而不合也離女兌女相與同居而志不同行則二女睽而不合也說而麗乎明以卦體言也兌說而離麗也卦自壯亦自遯柔進而上行則以自遯言之蓋初二進而四上行也詳見下文得中而應乎剛謂六五得中而應九二之剛也

小事吉者以柔居尊位陰爲小雖應乎剛所吉止於
小事也若使九剛而居中正則大事吉矣聖人因是
以明睽之義恐人以睽違爲終不合之義或疑其吉
故詳明之天下之理有以睽異而同者矣天在上地
在下上下雖睽矣而其以生物爲事則同也男位乎
外女位乎內內外雖睽矣而其室家之志則通也萬
有不齊則萬物睽矣而分殊理一其事類也睽之時
用如此其吉豈止於小事乎因其小而推之大也○
或曰以卦象推之卦自遯來有坤无乾故天地睽然
坤伏乾乾爲幹事坤爲事業資始資生其事同有離

无坎有兌无艮男女睽矣然互體有坎爲男爲志爲
通剛柔相與故其志通萬物見乎離說乎兌離上兌
下區以別矣故萬物睽然離坎皆出乎坤爲事爲類
分殊理一故其事類也○案易中二陰四陽之卦二
陰畫在下合以遯取二陰畫在上合以壯取二陰畫
在中則當以中孚取如无妄大畜家人睽四卦是也
二陽四陰之卦二陽畫在上合以觀取二陽畫在下
合以臨取二陽畫在中則當以小過取如蹇解萃升
四卦是也蓋一陽一陰三陽三陰五陽五陰之卦皆
自兩卦變獨二陽二陰之卦有此三者正緣中孚小

過中畫與臨觀壯遯不同故也家人睽三與二相易也萃大畜三與四相易也升无妄四與二相易也蹇睽四與五相易也同體相比而相易者家人睽蹇解是也兩體隔爻相易者无妄大畜萃升是也二陰四陽之卦當以中孚取者凡四卦於无妄大畜家人三卦既不言矣若不於睽卦而發其凡則中畫之變有所未盡故睽言柔進而上行者中孚之六四進而爲六五也言其雖自壯而來而實與中孚相易也二陽四陰之卦當以小過取者亦四蹇解萃三卦既不言矣若不於升卦而發其凡則中畫之變亦有所未盡

故升言柔以時升者小過之六二升而爲六四也言其雖自臨來實與小過相易也睽而言者同體相易之凡例也升而言者兩體相易之凡例也八卦之中獨取兩卦言者以卦序論之中孚之變四卦而睽其終小過之變四卦而升其終也故他卦多以一爻之易取義而二卦乃以二爻之易取義者欲人深思而自得之也曰以二爻之易取義者多矣何獨於此有異論耶曰二爻取義他卦固有之然兼取之而已自中孚小過外未有舍一爻之易而專取二爻之易者而此卦專取二爻之易不及一爻之易則不可與諸

卦例論也若不於此而究其所以然則聖人獨於此變其凡例者學者終不可得而知之也○右睽象

此釋蹇象辭也蹇難也險在前也坎爲難坎在上則險在前也又爲見險能止之象坎險而艮止也險而知止知矣知可止則止之義者也艮坎俱有光明之象所以言知利見大人二往見五往則有功也位貞吉以九五本體得正而吉也能正位則能正邦矣蹇之時用大矣哉蹇之時大而濟蹇之用亦大也或曰艮爲徑路故以道言○右蹇象

此釋中孚象辭也柔在内而剛得中者三四之柔包

於四剛之內二五之剛俱得中也說而巽下兌而上
巽也說而巽則可以孚矣孚故能化邦也信及豚魚
豚魚物之信者因其信而信之也乘木舟虛舟虛取
中虛之象也巽爲木兌爲金而剝其中舟所以虛也
重載不若虛舟之爲安也利貞以應乎天中孚則誠
矣誠者天之道也卦辭利貞本勉其信之近義而夫
子又充而廣之也○或曰以象言之利貞本謂卦中
二三上爻皆失正位欲其利貞然傳謂應乎天者蓋
初九與六四相應上九與六三相應卦自遯來上體
乾也自壯來下體乾也初九應四上九應三各有乾

象故曰應乎天應乎天則不患其失正矣○右中孚
象

此釋既濟象辭也小者亨大者固亨而小者亦无不
亨也利貞剛柔正而位當也初三與五本陽位也而
剛居之二四與上本陰位也而柔居之六爻剛柔得
正各當其位又皆正應所謂既濟也陽已得位大者
不在言也陰亦得位則小者无不亨矣終止則亂其
道窮也物極則返既濟之窮則變而未濟矣或曰既
濟自泰來六自二而五爲成卦之主陰爲小小者亨
也又三陰各居陽上亦爲小者之亨然不如前說得

既濟之時義○右既濟象

此釋未濟象辭也未濟所以亨者柔得中也謂六五也坎初爻小狐也狐之涉水小者在後汔幾也初往之四幾濟矣而未及五則未出坎中也四猶互坎也初在下爲尾進爲坎水所濡故濡其尾謂初爲尾四濡之也既濡尾則不利有攸往矣故无攸利何以續其終哉不當位謂六爻失位也初三五陽也而柔據之二四上陰也而剛據之失位也然雖失位而六爻各有正應既有正應則天下事尚可濟此未濟所以爲亨也○右未濟象

象傳

此釋豫卦震下坤上四字也雷在地中爲復雷出地奮爲豫雷出地奮陰陽和矣故爲豫作樂起於冬至黃鍾之宮震爲雷雷有聲者也故有作樂之象殷盛也禮有殷奠殷祭言盛也○或曰自復來者初進而四自下體而上體崇陽德也帝出乎震薦上帝也豫爲震宮三世卦三世而視前二世蓋一世祖也二世考也皆自震宮則帝之配祖考也又有坤伏乾乾爲天爲父爲坤冥之中有帝與祖考之象震主七鬯而用坤牛其中亦有坎血非盛而何此以下釋豫

六爻象辭也初六失位志於逸豫而形於音聲者也
故窮而凶也○或曰初六以志窮言者初與四應四
互坎志也之四則有互艮而止矣志窮也 六二介
於石而能知幾以貞吉者以中居正故能守正也
六三不但不中且不正也 九四豫主居衆陰之中
得上下之衆陰上得乎君下得衆民故其志可以大
行也○或曰互坎爲志震體爲行 六五以四爲疾
然而能恆不死者以其才柔位剛而且居中故未亡
也 上六冥豫在上和豫之極冥無所識但知安而
不知危故不可長也何可長也與前屯否不同屯憂

之否喜之此戒之辭也○或曰上六巽爲長伏巽故何可長恐失之泥○右豫象

此釋隨卦畫震下兌上四字也澤中有雷雷息於澤也兌正秋而雷乃收聲之象也天之秋日之將夕也兌西爲夕嚮晦也雷息於澤君子以之宴息君子隨時之義如此○或曰卦自否來乾上九下入於坤冥嚮晦之象 此以下釋隨六爻小象也初九言從正者初與四本非正應能渝變而從四則得其正應矣不失其正故出門上交而不失其功也○或曰初九剛居正位故曰從正然於官有渝之義未協 六二

弗兼與係四則失五故也 六三謂志舍下或謂舍
初非也四居五之下故也○或曰爻動成坎爲志
九四言其義凶者三當有五而爲四所獲其義本凶
然九四有孚於五則所孚在道者以能明已之所隨
也此言三不當隨四而四當隨五也 九五得六正
應而來上隨孚于嘉吉以其位正而居中也中正當
作正中於韻爲協 上六上窮者窮則變變則通故
欲其知變也○右隨象

此釋无妄卦畫震下乾上四字也天下雷行陽氣普
徧物皆與之故曰物與也无妄誠也誠者天之道也

誠者物之終始故物與无妄也相與无妄相與以誠也先王以茂對時育萬物惟天下之至誠能盡其性則能盡物之性盡物之性則可以與天地參矣○或曰震爲蕃鮮茂也乾與四時合德對時也二應五三應上對也萬物出乎震乾資始爲育萬物也又初至四似頤頤養物之象也 此以下釋无妄六爻象辭也初九无妄之往所以吉者四雖不當位然至誠未有不動者也○或曰非往四也近往之二成坎爲志故曰得志 六二未富陽富陰貧以未富言以其陰爻也謂非計其利而爲之未嘗求富也 六三之災

者以其无妄非致災之道故也雜卦曰无妄災也災
自外至者也蓋惟无妄而後可以言災 九四以剛
居柔有咎也變則得正而可以爲貞變而得正亦爻
義之所固有也 九五樂不可試試者少嘗之也既
已无妄而又樂之則爲妄而生疾矣 上九位窮故
有災爻以言言傳以災言言者人言也災者天災也
象傳之言重於爻也○右无妄象

此釋大壯卦畫乾下震上四字也雷在天上四陽之
卦陽壯於陰故爲大壯以天而動克其陰濁之私故
君子以非禮弗履禮者天理之陽而非禮者人欲之

陰也震爲足有履象所履者乾乾爲天天理也乾嘉
會合禮則無非禮矣○或曰大壯四陽之卦非禮勿
履卽顏子之四勿也 此以下釋大壯六爻象辭也
初九其孚窮謂九四本與我同德相孚者居四陽之
窮極故雖壯于趾而初欲征則凶也 九二本未得
位若以剛中應柔中則得其正而吉也 九三小人
以壯敗君子則不然也詳見正經 九四往謂宜動
動則正而吉也 六五柔不當位所以喪羊若得九
二相與則不至喪矣故終无悔也 上六羝羊觸藩
不詳進退之義故也知其艱則吉而咎不長矣○或

曰上六動失位爲咎巽爲長巽伏咎不長也○右大壯象

此釋睽卦畫兌下離上四字也離火炎上兌澤潤下故謂之睽然離火兌澤同出於坤者也其本則同其末乃異故君子觀此象以同而異也彖義取以異而同象義取以同而異○或曰同象兌之說巽象離之明此以下釋睽六爻小象也初九見惡人謂四剛而不正也見之但可辟咎耳九二雖遇主于巷亦不失正道也○或曰九二言道者道卽大塗雖遇于艮之徑路亦未失震之大塗也六三所以見輿曳

以其位不當也。无初有終。而遇剛者終。與上九過也。遇則上爻所謂遇。兩則吉也。九四與初同德。交孚則其志得行。而睽者合矣。○或曰互坎爲志。變互震爲行。六五有慶陽爲慶。謂得二應五以剛濟柔耳。厥宗主二而言往。謂宜動也。○或曰往謂二往而得五也。上九見三始欲張弧。終也說弧遇兩則吉。是則始焉有疑。終乃疑亡也。曰豕曰鬼曰車。所謂羣疑。○或曰上動伏巽。巽進退爲疑。巽伏則疑亡矣。○右睽象。

此釋中孚卦。豕豕兌下巽上四字也。澤上有風。孚信之。

象情偽微暖其變千狀无情者不得盡其辭非其中孚信不能也書曰折獄在中獄成而孚故中孚取之以議獄緩死古者以獄成告于正正聽之司寇聽之三公聽之議獄也旬而職聽二旬而職聽三月而上之緩死也○或曰兌爲口爲決爲刑兌口決刑議獄也巽爲市刑人於市之象巽爲不果故緩死中孚兌下巽上若巽下兌上則爲大過棺槨故取死象一說互震反生緩死也艮宮遊魂故取死象 此釋中孚六爻象辭也初九志未變謂初但守四之正應不變而他隨也○或曰爻變爲坎坎爲志今未變故曰志

未變 九二鶴鳴子和同聲相應其中相孚故也
六三位不當以不正從四之正故未能孚也 六四
與初應然志不在初欲上從也○或曰三四兩爻同
爲互震馬之匹也然苟因三而求二則是類也今絕
類而上蓋舍二而從五耳故曰馬匹亡絕類上也亦
通 九五位正當以中正言○或曰有孚攣如與小
畜同彼卦以巽居上體而有孚攣如此爻亦巽體與
之相當也亦如兌之孚于剝也 上九虛聲无實其
能久乎○或曰巽爲長變則非巽故以何可長言之

○右中孚象

繫辭上傳各指其所之下注

彖謂文王所繫之卦辭爻則周公所繫之爻辭也彖者所以發明一卦之象也爻者所以發明一爻之變也故不曉本卦之象則觀本卦之象不曉本爻之變則當觀爻辭之義也言不可以象以爻而遺象遺變亦不可以象以變而遺象遺爻也吉凶者言乎其失得得則吉失則凶當吉而或有失則亦凶當凶而能有得則亦吉也揚子雲所謂凶其吉吉其凶也蓋禍兮福所倚福兮禍所伏不可恃其吉而不思所以保其吉委其凶而不思所以免其凶也悔吝者言乎其

小疵悔者將吉而未吉吝者將凶而未凶故爲小疵
若不救之於小疵則无吉而有凶矣无咎者本宜有
過者也如爻有不中不正之類能知其不中不正之
過而補之則无咎矣此皆教人以趨吉避凶之道也
列貴賤者存乎位謂六爻之位初二三四五上也位
高者貴位卑者賤也齊小大者存乎卦陽大陰小如
否大往小來而泰則小往大來又如剝以五陰剝一
陽而夬則以五陽決一陰之類故驗諸卦未嘗不齊
也辯吉凶者存乎辭卦爻之中有明言吉凶者有不
言吉凶者人當因其辭而玩之則知所以吉所以凶

矣憂悔吝者存乎介介者事之介乎兩間者也蓋善惡已動而未形之間也能於此而憂之則不至於悔吝矣下所謂君子見幾而作不俟終日因介于石而言之卽此義也震无咎者存乎悔舊謂動其補過之心而无咎者以其知悔也竊謂未安正如震之上六不于其躬于其鄰无咎是也當震之上六陰柔不當位能動而恐懼修省則无咎矣憂悔吝者存乎介因豫之六二言之震无咎者存乎悔因震之上六言之各舉一爻例其凡也卦有小大者如大過小過大畜小畜大亨小亨之類是也辭有險易如兌之亨利貞

和兌吉之類是也如睽之見與曳其牛掣其人天且
剿見豕負塗載鬼一車張弧說弧之類險也然雖險
易之不同皆各指其所之而言之之者動爻也如春
秋傳所謂乾之姤乾之同人之類也聖人因爻之所
之而繫之辭其險其易无非隨其爻義耳○此章言
文王周公彖辭爻辭之大旨也○案彖之一字人多
不得其義或曰案許氏說文彖豕走也豕居亥屬卦
位之乾而卦氣之坤也不曰豕而曰彖者取其變動
不居之象而其辭文也至於象則身備十二肖之內
而膽一歲十二變應十二辰者也是則彖象之名皆

本取象而立如乾爲馬坤爲牛也不特是也易字之義雖以變易得名然亦本取象說文易字下注曰蜥易又曰祕書說日月爲易陸農師埤雅等書謂蜥易身色无恆一日十二變是故易有變易之義也今人但以易爲取日月爲易之義而不知蜥易亦有一日十二變之象正猶乾之六陽坤之六陰爲十二月之變也爻字雖以相交取義昭德晁氏以爲因折俎得名蓋彖爲豕之全爻爲折俎所以折夫豕之體耳古文肴作爻後人轉注加之以肉故今之肴字從爻從肉耳至如卦字案徐鉉曰從挂省章營曰掛之牆壁

以觀其兆筮筮宅儀主人北面命筮者在主人之右
筮者東面抽簪執之南面受命既命筮人許諾北面
而筮卦者在左畫爻卒筮執卦以示命筮者命筮者
受主人視反之東而旅占卒進告于命筮者與主人
則畫爻掛之旅占其從否是以懸掛取義也或曰卦
雖以懸掛取義實兼象形會意以絳縣老人所謂亥
有二首六身之義推之其從卜從圭者蓋天地之數
五十有五卜乃五十五布筭之形也圭者王介甫以
爲天一地十因而重之於義尚未盡焉蓋圭字有兩
義其中直畫象太極兩旁象兩儀四橫畫象四象八

旁畫象八卦此生卦義也直畫象掛一兩旁象分二
四橫畫象四揲八旁畫象八卦此揲著義也又如爻
字兩交畫亦象兩體四斜畫亦象生四畫出八角亦
象八卦也大凡古人製字多是象形後人但取其義
而言之則不知取象之本旨矣此說驟而觀之似失
之鑿然古人製字誠不无象姑載於此以廣異聞

周易本義通釋十二卷

舊鈔本

題新安後學雲峰胡炳文通掌祠九世孫瑛輯校傳
首則題輯錄延祐丙辰自序攷別本有潘旦序云書
多亡佚其九世孫瑛及弟玠募遺書得上下經而闕

十翼乃復彙蒐以補之而此本不載潘序亦不題玠
名似非一本惟謂經是原書傳爲輯本則與此本分
題輯校輯錄者正合通志堂本義門何氏謂是汲古
元本果爾則視輯本必更完備乃核之此本絕無增
多且亦載胡珙所輯雲峰文集易義一卷其非元本
可知當卽出於輯本耳又此本前有雲峰自著例言
四則而通志堂本失去且字句亦頗有異尤足以資
參訂焉

周易經傳集註朱解附錄纂註十四卷

元刊本

題鄱陽後學董真卿編集并序其曰周易經傳者謂

經傳分編也每卦六畫上標一經字爻辭後標曰大象傳彖傳小象傳文言傳所標俱作陰文使不與經傳相混以從朱子復古之意惟改次大象傳於彖傳之上則其所創也其曰集程朱解者則合傳義而謂之集解也附錄則采程朱文集語錄論易之語纂註則博引諸儒之說也蓋季真嘗登雙湖胡氏之門故此書卽本雙湖本義附錄纂疏之例視天台董氏傳義附錄又加詳焉兼綜條貫意在持象數義理之平故又名周易會通楊文貞謂集易之大成者書成於天曆初元迨元統二年其子俱跋而刻於閩每半葉

十一行行十九字筆畫清勁雅近顏柳元刊中致佳本也

易學變通六卷

鈔本

元曾貫撰柴傳道著此書及四書類辨外尚有學庸標旨錢氏元史藝文志遺之朱氏經義考既載周易變通已佚又載易學變通日見棗竹堂書目誤以一書爲二也

周易經義三卷

元刊本

題進士臨川涂潛生易庵擬潛生字自昭江西宜黃人盧氏羣書拾補載宋史藝文志補譌作字行可建

安人錢氏元史藝文志潛謫作掾江西通志謂三上
春官不第爲濂溪書院山長是書署進士殆鄉貢進
士也易庵所著又有易經擬題見菰竹堂書目易主
意見楊東里集易義矜式見江西通志此書疑卽所
謂擬題大率爲科舉而擬也

鐵琴銅劍樓藏書目錄卷一終